

Na osnovu člana 49. Statuta Javne ustanove Dom zdravlja Busovača („Službeni glasnik Općine Busovača“, broj:1/17), člana 20a. Zakona o izmjenama i dopunama Zakona o radu („Službene novine Federacije BiH broj 89/18), člana 3.i 4.Uredbe o postupku prijema u radni odnos u javnom sektoru u Srednjobosanskom kantonu („Službene novine Srednjobosanskog kantona“broj: 7/19) i Odluke Upravnog odbora o utvrđivanju potrebe i raspisivanju Javnog konkursa za prijem radnika u radni odnos na određeno vrijeme sa punim radnim vremenom, broj: 601/23 od 27.07.2023. godine, direktor Javne ustanove Dom zdravlja Busovača dana 06.11.2023. godine, raspisuje

JAVNI KONKURS

za prijem radnika u radni odnos na određeno vrijeme od 1 (jedne) godine sa punim radnim vremenom

- 1. Medicinska sestra/tehničar – vozač sanitetskog vozila u Hitnoj medicinskoj pomoći u Javnoj ustanovi Dom zdravlja Busovača na adresi 1.mart/ožujak - 2 (dva) izvršioca**
- 2. Medicinska sestra/tehničar u Hitnoj medicinskoj pomoći - dva (2) izvršioca**

Kratak opis poslova za poziciju 1.

Prima informacije o hitnim medicinskim stanjima, vodi evidenciju o hitnim stanjima, učestvuje u zbrinjavanju hitnih stanja u timu doktora, upravlja sanitetskim vozilom tokom rada u HMP po nalogu ordinirajućeg ljekara, prati pacijenta u sanitetskom prevozu do višeg nivoa, utvrđivanje i praćenje vitalnih znakova kao što su mjerenje krvnog pritiska, temperature i antropološka mjerenja, davanje injekcija, infuzija, obrada rane, previjanje po nalogu ljekara HMP, pripremanje materijala i instrumenata za sterilizaciju, dezinfekcija i sterilizacija i kontrola sterilnosti, primjenjivanje reanimacije pacijenata kod pojave anafilatičkih reakcija, u okviru stručnog znanja i utvrđenog ovlašćenja, profesionalno usavršavanje, pomaganje u obuci pripravnika i drugog osoblja koji mogu biti angažovani u HMP, vođenje propisane medicinske evidencije i dokumentacije, održavanje medicinske evidencije (ručno ili kompjuterski), efikasno čuvanje i pronalaženje podataka, prijem naknada za usluge od pacijenata kada je to potrebno, vođenje odgovarajućih računa (participacija i sl.).

Kratak opis poslova za poziciju 2.

Prima informacije o hitnim medicinskim stanjima, vodi evidenciju o hitnim stanjima, učestvuje u zbrinjavanju hitnih stanja u timu doktora, prati pacijenta u sanitetskom prevozu do višeg nivoa, utvrđivanje i praćenje vitalnih znakova kao što su mjerenje krvnog pritiska, temperature i antropološka mjerenja, davanje injekcija, infuzija, obrada rane, previjanje po nalogu ljekara HMP, pripremanje materijala i instrumenata za sterilizaciju, dezinfekcija i sterilizacija i kontrola sterilnosti, primjenjivanje reanimacije pacijenata kod pojave anafilatičkih reakcija, u okviru stručnog znanja i utvrđenog ovlašćenja, profesionalno usavršavanje, pomaganje u obuci pripravnika i drugog osoblja koji mogu biti angažovani u HMP, vođenje propisane medicinske evidencije i dokumentacije, održavanje medicinske evidencije (ručno ili kompjuterski), efikasno čuvanje i pronalaženje podataka, prijem naknada za usluge od pacijenata kada je to potrebno, vođenje odgovarajućih računa (participacija i sl.), na pripremanje izvještaja za Dom zdravlja, Zavodu za javno zdravstvo Federacije BiH, Zavodu za zdravstveno osiguranje SBK/KSB Travnik, Zavod za javno zdravstvo SBK/KSB Travnik, ili pravnim vlastima, po instrukcijama doktora HMP, nadgledanje osoblja zaduženog za čišćenje, održavanje i obezbjeđivanje sigurnosti objekta, obavlja i druge poslove u skladu sa stručnom spremom po nalogu doktora HMP i odgovornog med.sestre-tehničara u HMP.

Kandidati treba da ispunjavaju **opšte i posebne uslove** Javnog konkursa:

Opšti uslovi:

1. da su državljani Bosne i Hercegovine
2. da su stariji od 18 godina
3. da su zdravstveno sposobni za poslove za koje se kandiduju

Posebni uslovi:

- Završena Srednja medicinska škola opšteg smjera
- Završena Tehnička škola – KV vozač samo za kandidate pod rednim brojem 1.
- Položen stručni ispit
- Licenca za samostalan rad izdana od nadležne komore
- Šest mjeseci radnog iskustva u struci

Kandidati treba da dostave:

1. Svojeručno potpisanu prijavu na Javni konkurs (prijava treba da sadrži podatke o kandidatu: ime i prezime, adresa, broj telefona i e-mail adresa, naziv Ustanove u koju aplicira, predmet prijave, popis dokumentacije koju dostavlja na Javni konkurs)
2. Svojeručno potpisanu biografiju
3. Izvod iz matične knjige rođenih
4. Uvjerenje o državljanstvu
5. Uvjerenje o prebivalištu
6. Diploma o završenoj srednjoj medicinskoj školi opšteg smjera
7. Diploma o završenoj tehničkoj školi –KV vozač samo za kandidate za poziciju 1.
8. Uvjerenje o položenom stručnom ispitu za medicinsku sestru
9. Važeću Licencu za samostalan rad izdanu od nadležne komore
10. Uvjerenje o radnom iskustvu u struci i zanimanju od poslodavca,

(ukoliko kandidat nije u mogućnosti dostaviti Uvjerenje o radnom iskustvu u struci i zanimanju od poslodavca, treba da dostavi Uvjerenje o radnom stažu izdano od nadležne porezne uprave ili Uvjerenje o radnom stažu izdano od Federalnog zavoda za penzijsko i invalidsko osiguranje –u kojim je naznačena šifra zanimanja)

- Prednost u zapošljavanju, pod jednakim uvjetima imaju kandidati koji ostvaruju prava u skladu sa Zakonom o pravima boraca/branitelja i šehida i članova njihovih porodica/obitelji i Zakona o pravima demobilisanih boraca/branitelja i članova njihovih porodica/obitelji uz obavezu pozivanja na poseban zakon. Prioritet pri zapošljavanju kandidati dokazuju odgovarajućim dokumentima od zakonom mjerodavne institucije (potvrda, uvjerenje i sl.) koje prilažu prilikom prijave na javni oglas pozivajući se na poseban zakon.

Svi dokumenti koji se dostavljaju uz prijavu na Javni konkurs moraju biti u originalu ili u ovjerenjima kopiji.

Napomena: Svaki izabrani kandidat će biti u obavezi da **prije prijema u radni odnos**, odnosno prije potpisivanja Ugovora o radu dostavi:

- Ljekarsko uvjerenje kao dokaz da su zdravstveno i psiho fizički sposobni za obavljanje poslova za koje se kandiduju.
- Uvjerenje da protiv lica nije pokrenut krivični postupak,

· Uvjerenje da lice nije osuđivano za krivično djelo za koje je izrečena zatvorska kazna, osim krivičnog djela protiv sigurnosti javnog saobraćaja,

Obavijest o raspisivanju Javnog konkursa će biti objavljena u Dnevnom listu „Oslobođenje“, a puni tekst javnog konkursa bit će objavljen na web stranici Službe za zapošljavanje SBK/KSB Travnik, na zvaničnoj web stranici osnivača JU Dom zdravlja Busovača (Općina Busovača) i web stranici JU Dom zdravlja Busovača.

Rok za podnošenje prijave na Javni konkurs je 8 dana, a počinje teći narednog dana od dana njegovog objavljivanja, odnosno od dana njegove posljednje objave.

Podnosilac neblagovremene ili neuredne prijave nije učesnik Javnog konkursa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

Potpunom prijavom smatra se prijava uz koju su priloženi svi dokazi o ispunjavanju općih, posebnih i ostalih posebnih uslova (od broja 1-10), koju kandidati treba da dostave prilikom aplikacije na Javni konkurs.

Ispunjavanje uslova utvrđenih Javnim konkursom računa se sa danom predaje prijave.

Po zatvaranju Javnog konkursa Komisija za provođenje procedure prijema u radni odnos (u daljem tekstu: Komisija) će prema dostavljenoj dokumentaciji izvršiti klasifikaciju kandidata.

Neblagovremene, nepotpune i neuredne, zatim prijave kandidata koji ne ispunjavaju uslove Javnog konkursa neće se uzeti u razmatranje.

Komisija će u pisanoj formi zaključkom obavijestiti kandidate koji nisu dostavili blagovremenu, potpunu i urednu dokumentaciju.

Kandidati koji nisu dostavili blagovremenu, potpunu i urednu dokumentaciju, ne mogu učestvovati u daljoj konkursnoj proceduri.

Proces izbora kandidata za radna mjesta za koja je kao uslov propisano srednje, više ili visoko obrazovanje zasniva se na razmatranju dostavljene dokumentacije, pismenog ispita, intervjua sa svakim kandidatom i praktičnim dijelom ispita.

Komisija će pismenim putem pozvati kandidate na provjeru znanja **putem pismenog testa. (Literatura potrebna za provjeru znanja će biti objavljena na web stranici Općine Busovača)**

Kandidati koji na pismenom testiranju ostvare najmanje 60% od ukupnog broja bodova stiču pravo da pristupe intervjuu i praktičnom dijelu ispita koji ima za cilj procjenu profesionalnih karakteristika, iskazanih sposobnosti i kompetencija za radno mjesto na koje se kandidat prijavio.

Kandidati koji na pismenom testiranju ostvare manje od 60% od ukupnog broja bodova isključuju se iz dalje procedure prijema u radni odnos.

Komisija će izvršiti bodovanje kandidata, te sačiniti rang listu uspješnih kandidata i istu istaknuti na Oglasnoj ploči Ustanove.

Izvještaj o provedenom postupku i rang listu uspješnih kandidata Komisija će dostaviti direktoru Ustanove, koji će donijeti odluku o izboru kandidata sa liste uspješnih kandidata.

Prijave na Javni konkurs dostaviti u zatvorenim kovertama putem pošte ili lično na adresu

Javna ustanova Dom zdravlja Busovača

72260 Busovača

Ul. 1.mart/ožujak

**“Prijava na javni oglas za prijem medicinskih sestara/tehničara-vozač sanitetskog vozila
i medicinskih sestara/tehničara u HMP sa naznakom „NE OTVARATI“**

**Dokumentaciju dostavljenu uz prijavu na Javni konkurs Ustanova neće vraćati
kandidatima.**

**Kontakt osoba zadužena za davanje dodatnih obavještenja
Ljiljana Čavara – broj mob. telefona 063 024 314**

Broj: 935/23
Busovača, 06.11.2023.godine

direktor
dr Amir Sadiković
spec. obiteljske medicine